



হৃদয় দিয়ে আগুন

মোশাররফ হোসেন খান

হৃদয় দিয়ে আগুন
মোশাররফ হোসেন খান

আল-আকাবা প্রকাশনী

হৃদয় দিয়ে আগুন
মোশাররফ হোসেন খান

প্রথম প্রকাশ
বৈশাখ ১৩৯৩
এপ্রিল ১৯৮৬

সর্বস্বত্ব
মোশাররফ হোসেন খান

যার কাছে ঋণী—
মাজজাদ হোসাইন খান
মতিউর রহমান মিল্লাক

প্রকাশক
আব্দুল হোসেন
আল-আকাবা প্রকাশনী
৪৯৪, বড় মগবাজার ঢাকা

ছাঁক
এম, আনোয়ার

প্রচ্ছদ পরিকল্পনা
আহমদ মতিউর রহমান

প্রচ্ছদ শিল্পী
গোলাম মোহাম্মদ

মুদ্রাকর
আল আকাবা প্রিন্টিং প্রেস
৪৯৪ বড় মগবাজার
ঢাকা

পরিবেশক
আতীশ গ্রন্থ কেন্দ্র ঢাকা

মূল্য: সিস টেকা

ଏ କଥାମା ଶ୍ରମ କରାମି ଠାକ

Omara Pathagar

- ১ পদ্বলৈখ
- ২ মা'কে
- ৪ রোদন
- ৫ কল্যাণৱত
- ৬ জীবনের ভাস্কৰ্য
- ৭ প্ৰস্তুতি
- ৮ শিখিনি প্ৰেমের পাঠ
- ৯ প্ৰবাস থেকে লিখিছ
১১. সংকেত
- ১২ টুকরো কবিতা
- ১৩ বিশেষ দৃষ্টিবা
- ১৪ বাঁধন
- ১৫ যুদ্ধ বিৰোধী কবিতা
- ১৬ নারাজ
- ১৭ সারাংশ
- ১৮ বেরহম বাতাস
- ১৯ কম্পাস
- ২০ অবেলায়
- ২১ কেউ জানেনা
- ২২ ভেঙে গ্যাছে
- ২৩ এখন বলোনা প্ৰিয়তমা
- ২৪ কহিয়ো নদীয়ে তুমি

- ২৫ কোন দিকে যাবো আর
২৬ ক্ষুধার্ত কুমির
২৭ বিক্ষুব্ধ বৈশাখ
৩০ বিশ্বাসের জরিণ জালনামাজ
৩১ লাশ
৩২ আশ্চর্য্য এক স্বপ্নের মতন
৩৩ ঝড়
৩৪ এই রাত দীর্ঘ রাত
৩৫ নিমক
৩৬ চোখ
৩৭ এইতো আমি
৪০ সংঘাত
৪১ চেয়ে র'বো অলক্ষ্যে প্রান্তর
৪২ ইদানিং আমি
৪৩ নিবাসিন চাই
৪৩ অনাগত
৪৫ যুদ্ধে গেলাম
৪৬ ভাঙ্গন
৪৭ স্বপ্নের রেশমী পালকে
৪৮ নিজ গৃহে পরবাসী

পদবলি

আমার কবিতা পড়ে যদি কোন রমণী
প্রসব করে বসে হিংস্র শাবক
যদি কোন শিকারী কৃষকের গান ভুলে
যুদ্ধের গান গাইতে গাইতে তাক করে বসে
পাপিষ্ঠ বৃদ্ধ
তবে আমার কি দোষ ?

আমার কবিতা পড়ে যদি কোন শিশু
খেলনা পিস্তল ছুঁয়ে শপথ নিয়ে বসে
যদি কোন যুবক ভুলে যায় যুদ্ধের নেশার
পত্রীর গালে চুমা দিতে
তবে আমার কি দোষ ?

আমার কবিতা পড়ে যদি কোন কিশোর
কঠিন অঙ্গীকারে ছেড়ে যায় গায়ের কোল
যদি কোন বৃদ্ধ ভুলে নেয় হ্যামিলনের বাঁশী
কিংবা কোন অগ্নিপুরুষ যদি জ্বালিয়ে দেয়
জালিমের ঘর-দোর
তবে আমার কি দোষ ?

আমার কবিতা পড়ে যদি কোন পিশাচ
সম্ভাব্য দাস্তা থেকে মদ্যুক্তি পেতে পান করে বসে
'হেমলকের পেয়লা,'
তবে আমার কি দোষ ?

আমার কবিতার গোলক থেকে যদি
ছটকে পড়ে কোন আগুনের শব্দপিণ্ড
আর তাতে যদি ভস্মভূত হয়ে যায়
তাবৎ পৃথিবী,
তবে আমার কি দোষ, কি দোষ ?

মাকে

প্রতিদিন আমার মাকে দেখি সন্ধ্যার দীর্ঘ প্রার্থনায়
সাগর আড়ল হয়ে নেমে আসে তাঁর জ্যোতির্ময়ী কাজল চোখে
ঝিলিক দেয় মসৃণ চিবুকে সজল রঙধনু।

জমাট পাথর ভেদ করে
বৃষ্ণের ডালপালা কাঁপিয়ে
মাগ্নের আরাধ্য করুণ স্বর কচিধানের বৃক্ষে প্রবাহিত হাওয়ায়
আরো করুণ হয়ে
আরো শীতল হয়ে স্পর্শ করে আমার স্বপ্নভাসা বৃক্ষ।

মাগ্নের আরজি গুলো দুলে দুলে নীলের সাথে
উঠে যায় আরো নীলে, উধে, নিঃসীম আকাশে—
'প্রভু, আমার ছেলেকে সংপে দিলাম হিরন্ময়ী তোরণের খোঁজে
সোঁদা গন্ধ মাটি আর মানুষের মাঝে।

রাতের গভীরতা এলে
আঁধারের প্রগাঢ়তা এলে
রাতের নিস্তব্ধতা নিঃশেষ করেন আমার মা
তারপর খিলিয়ে অজুশেষে
প্রত্যয়ী তসবীর আঁকা জায়নামাজে
বসেযান নূরানী তছবী হাতে-ধ্যানমগ্ন এক তাপসী।
জ্বলজ্বলে আলোক শিখায় মাগ্নের ধবধবে সফেদ শাড়ীকাবুত
দেখে স্পষ্ট বোঝা যায়
ছোট ঘরটিতে নেমে এসেছে ঘন ধবল জোন্সান্সনাত
স্বর্গীয় গেলেমান

সারা ঘরটি মূখরিত করে ছেলের কল্যাণ কামনায়
দীর্ঘ মোনাজাতের সমাপ্তি ঘটান আমার মা।

দারুণ উৎকণ্ঠায় মাগ্নের সচকিত মুখে বিন্দু বিন্দু ঘাম নয়
যেন দীর্ঘের স্বচ্ছ জলের সাথে সূর্য্য কিরণের ঝিলিক দেয়া
গভীর সখ্যতার এক চমকানো আঁর জৌলুস কণা

কোন এক বেহেশতী আবাবিল সে আর্দ্র জৌলুসে
ফুলের সুবাস মিশিয়ে
প্রকৃতির শোভা মিশিয়ে
সবুজের স্নিগ্ধতায় আরো স্নিগ্ধতা ছড়িয়ে দেয় আমার বদকে।

মাগের আশীষ-কামনায় বেড়ে যায় আমার হৃদয়ে কৃতজ্ঞতা, চণ্ডলতা
শ্বাস প্রশ্বাসের সুরে সুরে তখনো—
তখনো হিন্দোলিত হয় আমার রক্ত কণিকায় প্রার্থনার দিগন্ত
মাগের ভেজা ভেজা আরদ্র কণ্ঠস্বর
সোনালী হরফের মূখে চুব্বনের গভীরতা একে আমার মা,
সেই ধ্যানমগ্ন তাপসী বলছেন যেন—
'প্রভু, আমার ছেলেকে স'পে দিলাম হিরন্ময়ী তোরণের খোঁজে
সোঁদা গন্ধ মাটি ও মানুষের মাঝে।'



রোদন

সূর্যের কপোল বেয়ে নেমে আসে ঘাম
বিমর্ষ রাহিতে নামে নীরব রোদন
মানুষ জানে না কি সে খবর সংবেদন !
আসেকি তালিকাতে তাদের নাম ?

বহতা স্রোত থেকে লাফিয়ে বেরোয় নদীর লোহু
ভারী হতে আরো ভারী হয় অস্থির বাতাস
তারকার হাত ধরে কে'দে ওঠে নীলিম আকাশ,
এভাবেই জেগে ওঠে রোদনের উৎস বহু !

সময় সংকুল বটে—তীক্ষ্ণ বিষধর ;
রোদন ব্যবহার শেষেও তাই মেলেনা তট
জাগেনা সৃষ্টির পাটাতন, প্রেমের ঘর ।



কল্যাণ ব্রত

অই হাত যেখানেই থাকি কল্যাণেই ব্রত !
ঠোঁটের কলেমায় ঝরুক সদা শূদ্রতার মহিমা
ঢলে পড়ে দিনান্তের সূর্য যে হাতের ইঞ্জিতে
আমারও নসিব হোক সে হাতেরই সূর্যমা !

যে যায় থাকনা মাতাল হাওয়ার নরক মূলুকে !
বিধাতার প্রেম সেতো শাখত দুর্ভাগ্য
সর্বকালে সর্বযুগে ভুলোক দুর্ভাগ্য !

স্বপ্নের পিদিম জেবলে বসে আছি জীবনের
চের সময় চাতকের মত,
আল্‌লার কালাম ঠোঁটে হে নারী এস, অস্ত
আমাদের জীবন হোক কল্যাণেই ব্রত !

জীবনের ভাস্কর্য

জীবনের রোদেলা অর্থাৎ খুঁজতে গিয়ে যদি
তোমার মতো বেদনার স্নানাগারে
কাটাতে হয় রাত, তবু যেন ভালো ছিলো
'দ্রাস্তমুখির'।

তবু যেন ভালো ছিলো বেবাক রোদনের চেয়ে
মেড়ে যাওয়া কিছুর কিছু তরঙ্গ
কিছুর কিছু কাঁটা কিছুর কিছু চুড়ান্ত।

কৃত্রিম নিকানো উঠানের চেয়ে
সেই ভালো ছিলো—

আকাশের চোখ ভরা কাজলা মেঘ
মেঘের অস্তিত্ব ঘিরে বিদ্রুত জল
তৃষ্ণাহীন খড়ম পায়ে হেঁটে চলা
অনন্ত পথ।

সেই ভালো ছিলো—

সেই বরণ ভালো ছিলো,
ছুঁড়ে ফেলে শাস্তির ফ্যাকাশে রঙ
আবরুহীণ আলোর মাঝে খুঁজতে যাওয়া
জীবনের ভাস্কর্য
মোহনীয় মানে !

প্রস্তুতি

নারীর কাছে চাইনে কিছু
শুদ্ধই বলিঃ
ষোদ্ধা দাও।
বধির খুঁদনী-বন্দনা বটে
তবু বলি :
ধবংস দাও।
গড়তে হলে ভাংতে হবে
বেশ রকমে
পাচ্ছি টের,
যুদ্ধ করে মরানি ভালো
এমন বাঁচার
চাইতে চের।

শিখিনি প্রেমের পাঠ

জানিনে পাখির বয়ান কিংবা পালন
শিখিনি প্রেমের পাঠ নমিত ছবক
আগনের উনোনে বসে নিয়েছি তবক
হৃদয়ে করেছি রোদ-রুদ্ধতা লালন।

খুঁজিনি হিজল তমাল মেঘালো রাতে
খুঁজিনাই আকাশের বৃকে মাধুরীও চাঁদ
ঝড়ের শরীরে পেয়েছি বরং ভাঙনের স্বাদ।

এ জীবন চিরে দেখ—ধু ধু মাঠ, উদ্ভূত বাগি
জমাট বেদনারা এতটুকু ঠাই রাখিনি খালি।

জানিনে পাখির বয়ান কিংবা পালন
শিখিনি প্রেমের পাঠ নমিত ছবক
হৃদয়ে করেছি রোদ-রুদ্ধতা লালন।

প্রবাস থেকে লিখছি

স্বদেশা আমার সন্মনা,
প্রবাস থেকে লিখছি, কেমন আছো ? আর সকলে ?
ঘরের 'পশ্চিম' বেড়াটি ছিলো উদ্যম, ঠিক করেছো কি ?
শুনছি পড়শীরা এখন বেজায় বদরোখা
ক্ষুধিত বাঘের মতো ঢুকে পড়তে পারে তোমার ঘরে
বপন করতে পারে অশুচির বীজ উদরে তোমার
সাবধান থেকে
হেফাজতে রেখো নিজস্ব সম্পদ।

তোমার বোরখাটিতো পুরনো মাকে'টের
শাড়ীখানা ছেঁড়া খোঁড়া
আফ্রার বাজারে রাউজ জোটেনি কখনো
এক চিলতে মলিন কাপড়েই হোকনা তোমার
আবরু ঢাকা, অগত্যা এখন
হচ্ছেতো ?
নাকি, দুরন্ত চৈতালী হাওয়া ভীড় করে অহরহ ?
সাবধান থেকে উত্তর পশ্চিম, গোলাধের বগী হতে
সুযোগ পেলেই ভেসে দিতে পারে তোমার
সতীত্বের পাড়।

স্মরণ আছেকি
সেদিনের কথা ?
জানোতো, কত কষ্টে ছিনিয়ে এনেছিলাম তোমাকে
পশুদের হাত থেকে !
যদিও ঝাঝরা হয়েছিলো আমার বুক
তবু ছুঁতে দেইনি তোমার আঁচল।

মৃত্যু দুরারে দাঁড়িয়ে আমি কিন্তু সেদিন
আনন্দ পেয়েছিলাম ভীষণ
কেননা, তোমার গর্ভে ছিলো তখন অংকুরোদগত শিশু যোদ্ধা
আমার স্থলাভিষিক্ত
জানিনে, সে শিশু আজো দেখেছে কিনা রক্তিম সন্ধ্যা।

আমার বিশ্বাস—

ভূমিষ্ট হয়েই সূর্যের দিকে তাকালে সে শিশু
খুঁজে পাবে অমলিন রক্তছাপ এবং জানের দূশমন
আর তখন, ঠিক তখনই বিদ্যুতের মতো লাফিয়ে উঠবে সে
বদলা নিতে খুনঝরা দিনের।

এখনো যদি নাইবা জন্ম

তাহলে আপাততঃ থাকতে হবে তোমাকে ভীষণ সজাগ।

বুঝতেই পারছি,

কয়েকশত বর্গের ভেতর ঢুকে গেছে স্বার্থের হাত
কৌশলে ছিনিয়ে নিতে চায় তোমাকে
সাবধান!

তা যেন না পারে, এমনকি গন্ধে যেন না পায়
তোমার কেশের।

এভাবে চলতে থাকো সতর্ক সাবধানে

আর প্রার্থনা করতে থাকো প্রভুর কাছে—

'প্রভু-আমার গর্ভে জন্ম নেন যেন সিংহ শাবক,
বারুদের গন্ধে পুষ্ট অগ্নি শিশু'।

ভয়ঙ্কি স্বদেশা,

আজ না হলেও কাল কিংবা দু'দিন পর

ভূমিষ্ট হবেই হবে জালিমের দূশমন

যে তোমার সতীত্ব এবং সব ঘরদরজা

পাক-পবিত্র রাখার জন্যেই হবে যথেষ্ট।

সংকেত

চোখে চোখ রাখো

দেখো

কী রকম জ্বলে ওঠে দীপ্ত তেজে, লেলিহান

আরো কাছে এসো

বুকে বুকে রাখো

দেখো

কি রকম শব্দ হয়

কী ভাবে ঝড় তোলে অম্বিষ্টের অভিশাপ

এখানে এসো মূখে মুখে রাখো

শোনো

কীভাবে গজের ওঠে দ্রোহী শব্দ

মানবতার শত্রুরা দ্রব হন লবণের মতো

দেখোনা চেয়ে

কী ভাবে ছিটিয়ে যায় ধবংসাত্মক ধোঁয়া

দ্রুতঘান রকেটের মতো

আমাদের সাহসী ছেলেরাও।

টুকরো কবিতা

এক :

শূণ্য থাকে সবকিছুর
ক্রমান্বয়ে ভরে ওঠে পরশ পলিতে
শ্রমের কঠোরতায়
জ্বলে ওঠে সোনালী সুররুজ অধার গলিতে।

দুই :

নদীকে বলে দাও
ততোদিন যেন জোরার না আসে
যতোদিন মানুষ দেখতে না পায়
মুক্তির পতাকা উর্ধে, নীলিম আকাশে।

বিশেষ দৃষ্টব্য

জলের প্রপাত বন্ধের ভেতর
বন্ধের ভেতর
অগ্নি শিখা
সেই শিখাতে সব রোবটের
লেখাই হবে
ধবংস লেখা।

বাধন

'বাঁধা আছি ছেড়ে দাও'-ঘাতকেরা ছাড়েনা কেউ
পেষণের লাটাই হাতে মৌজকরে অন্ধ-বাধির
কে আছে সাহসী যুবা ক্ষীপ্ত-অধীর !
মুক্তির উল্লাসে তুলে নাও ভাঙ্গনের প্রমত্ত টেউ
'বাঁধা আছি ছেড়ে দাও'-ঘাতকেরা ছাড়েনা কেউ।

চারিদিকে দংশ্মন শূধু ফেউ আর ফেউ
রক্তনেশায় ঝরে যাদের টকটকে জিহবার রস
কে আছে সাহসী যুবা আন্তে পার ধবস
বিংবা সমুদ্রের প্লাবণ ডেকে
মুক্তির উল্লাসে ভাঙ্গনের প্রমত্ত টেউ,
'বাঁধা আছি ছেড়ে দাও'-ঘাতকেরা ছাড়েনা কেউ।

'গুলের বিতান' থেকে 'সূর্য্যরশ্মি' এখনো কতদূর ?
'আপারের চাবুক সহেনা আর শোকাহত বৃকে
কে আছে সাহসী যুবা দাঁড়াতে পার রুখে !
কে পার ছুড়ে দিতে ইসরাফিলের সুর
ছুটে এস, ছুটে এস সেই যুবা
তুলে নাও মুক্তির উল্লাসে ভাঙ্গনের প্রমত্ত টেউ,
'বাঁধা আছি ছেড়ে দাও'-ঘাতকেরা ছাড়েনা কেউ।

যুদ্ধ বিরোধী কবিতা

শোষণের ষাঁতাকল যদি বন্ধ হয়ে যায়
আর একবারও যদি না দেখি ঝড়ের আস্ফালন
যদি না শুনি তুফানের গর্জন,
তাহলে কি প্রয়োজন রক্তক্ষয়ী যুদ্ধের ?
যুদ্ধ মানেইতো আরেক দঃখবাদ, ধবংসের দাবানল !

ঘোলাটে চোখ যদি ফর্সা হয়ে যায়
দেখা যায় যদি মেঘশূন্য নীলিম আকাশ
ভাঁদুরে জোছনা, ফাগুনে হাওয়া
বেদনার কীট যদি না কাটে আর জীবন প্রাচীর
তাহলে কি প্রয়োজন রক্তক্ষয়ী যুদ্ধের ?
যুদ্ধ মানেইতো আরেক দঃখবাদ, ধবংসের দাবানল !

যদি না শুনি আর রাতের কাঁদা, হাহাকার ধ্বনি
এই চোখে যদি আর না ভাসে অঁধার কালো
এমনিতেই যদি এসে যায় পরশ ছেঁয়া সুখের জীবন
তাহলে কি প্রয়োজন রক্তক্ষয়ী যুদ্ধের ?
যুদ্ধ মানেইতো আরেক দঃখবাদ, ধবংসের দাবানল !

নারাজ

কবিতার বিষয় নয় নগ্নিকা নারী
বালিকার ঘোঁষন দেখেছি পবিগ্র
মুখ তার নিটোল আঙুর, সরস পানি
অই মুখে কালি দিতে নারাজ আমি।

কবিরাতো আর কিছুর নয়, মানুষেরই অঙ্গ
হিসেবের মুখোমুখি তারাও এক
কবিরো হিসেব হবে জানি এবং মানি
(অতএব) দোষখের খাদ্য হতে নারাজ আমি।

কবির কাতর যতো ভ্রষ্টাও তেমন
অভিশাপের দীপ শিখায় জ্বলে অবিরত
বশ্বনার দাহে তাই ছোঁড়ে 'শব্দ' গোঙানী
দোহাই,
দোহাই তোমার, অমন স্বক হতে নারাজ আমি।

সারাংশ

মাটির বন্ধে যত ফসল তার চেয়েও দ্বিগুণ আছে
হৃদয় কোণের সুখ
পাথর ঘষে আগুন ছেঁলে নাইবা পেলো অন্ধ মানুষ
বকুল ফুলের মত।

বেরহম বাতাস

বেরহম বাতাসে ওড়ে শতাব্দীর বেদনার খুলি
মরমে বিধে যান্ন মানুষের রোদন হাহাকার
বন্ধকের ছাতিতে পাথর-পশরা, হায় তবু নির্বিকার ?
ঘিলু ছাড়া পড়ে আছে স্তূপিত মাথার খুলি
এমন বিভৎসতায় যে কোন শব্দাচার
ভুলে যায় প্রেমের পাঠ, শিল্পময় রঙিন লতুটি
যে ভাবে আমিও ভুলি ।

দুঃখ গুলো গেয়ে যায় নেচে নেচে ছন্দের তালে
পায়ের নিকনে কেটে যায় বেদনার ক্ষত
দস্যু মাতালের বাগানো চাবকের মত
কখনো বা আছড়ে পড়ে পিঠের অসম ছালে
এভাবেই চলে সভ্যতা বহরী পাল তুলে,
হায় !

দম্বালু মানুষেরা তবু সংঘম দীক্ষায়
হাড়িডসার হৃদয়ের দরজা বেবাক দিয়েছে খুলে ।

মুক্তির স্বপ্নভংগে কাটে বাদের অভিশপ্ত জীবন
সূর্যের আলোতে যেন হারাম হয় ঘৃণিত সেই মূখ,
যেমন হারাম হয়েছে দেখা বেগানা বদ্বতীর বন্ধ ।

কম্পাস

তাকাতে পারিনা আর নয়ন মেলে
থই থই চারিদিক ধূসর ঢেউ
ভেসে ভেসে চুর হয় হৃদয় দ্দ'কূল।

ইদানিং মানব চোখে অবিশ্বাস্য-স্রুর
হিংস্র নখর যেন শাসানো বিষ
ফুড়ুৎ ফুড়ুৎ আসে আর যাহ মরণ-চড়ুই।

জীবনের কড়িকাঠ মিশ্রিত এ কোন্ বিষাদ ঘৃণ্
ঝর ঝর ঝরস্ত ঘৃণে ডুবন্ত আয়ুষ্গলুই !

সন্দেহাতীত পৃথিবীর অশ্রুচি ডেরা ডোবায়
বেঁচে থাকায় তৃপ্তি নেই, মৃত্যুতে শোক নেই
শব্দ কেবল অস্থির অবিশ্বাসে
চেয়ে চেয়ে খাবি খাওয়া ভিৎসন কম্পাসে।

অবেলায়

এই অবেলায় বিষন্নতার বসে আছি একলা আমি
হাঁটছে মানুষ ঘাড় ডিঙিয়ে, উড়ছে পাখি ভাসছে মেঘ
চন্দ্রসূর্য্য তারাও চলে আপনমোন কক্ষ পথে
ক্রান্ত পথিক আমি কেবল বসে আছি দ্রুটা-চোখে
সময় গড়ায়
কণ্ট বাড়ে
তবু আমি বসে আছি ;
একট শিশু কখন এসে বলবে আমায় :
'এই এসেছি হাতের কাছে অনিষমের ভাঙ্গতে পাহাড়
এইতো আমি আদিম বৃগের তীরন্দাজের অগ্নিশিশু।'

এই অবেলায় ঠাই এখনে বসে আছি একলা আমি
সময় গড়ায়
কণ্ট বাড়ে
তবু আমি বসে আছি ভাঙ্গা-গড়ার স্বপ্ন একে
দ্রুটা চোখে
এই অবেলায় বিষন্নতায় ।

কেউ জানেনা

নিজেই মরি বৃকের ব্যাথায়, নিজেই মরি তিলে তিলে
কেউ জানেনা অসময়ে কেন আমার এমন হলো
কেউ জানেনা কেন আমার সাত সকালে
সন্ধ্যা এলো,

সন্ধ্যা

তবু আমি হাঁটিছ ভেঙ্গে তুষার নদী
কেউ বলেনা ক্রান্ত পথিক এই এখানে একটু বসো
হাঁটিছ একা তেপান্তরে
মনের চরে
ধু-ধু বাগি
চাঁদের মূখও বারুদ ছোঁয়া

ফুল বিহনে শূন্য ভূমি
বৃকের ব্যাথায় নিজেই মরি
তবু হাঁটি তবু চলি
কেউ জানেনা কেমন করে
ভাঙ্গিছি সিঁড়ি ক্রমাগতই হাঁটিছ ভেঙ্গে তুষার নদী।

ভেঙে গ্যাছে

ভেঙে গ্যাছে স্নুথের কাঁকন সবুজের দেশে
ভেঙে গ্যাছে হলুদ স্বপন নীলিমার ছাঁদ
ফেটে গ্যাছে ধবল দুধেল শরতের চাঁদ
নিয়োনা ফুলের স্নুবাস অমল কেশে
ভুলে যাও বক্সা দেশের মাসাবী স্বাদ
ভেঙে গ্যাছে হলুদ স্বপন নীলিমার ছাঁদ।

কে'দোনা দোহাই তোমার, ভালোবাসা বলে
বালোবাসা বে'চে নেই
মৃত বসন্তের সাথে সেও গিয়েছে চলে।

চেয়োনা স্নুধার সরল বাসনার রাত
পাবেনা কোথাও তারে চোখের তারায়
চেয়েছে স্নুধার সরল এখানে যারাই
তারাই দেখেছে ফের ঘোর জ্বলমাত।

দোহাই, দোহাই তোমার
নিয়োনা ফুলের স্নুবাস অমল কেশে
ভেঙে গ্যাছে স্নুথের কাঁকন সবুজের দেশে।

এখন বলোনা প্রিয়তমা

এখন বলোনা প্রিয়তমা, প্রেমের কথা
চারদিকে জ্বলছে দেখ আমাদের ঘর
পুড়ে পুড়ে তামা হল সোনার মাটি
আগুন কুণ্ডলী নেভাতে দাও হে
কিংবা জ্বালাতে দাও
পোড়াতে দাও
হস্তারকের ঘর মাটি ভাবং গেরস্থালী
এমন দঃসময়ে ভুলে যাও সরল কোমলতা
এখন বলোনা প্রিয়তমা প্রেমের কথা।

সময় এসেছে চিনে নাও শোষকের মৃখ
সময় এসেছে কেড়ে নাও ঘাতকের স্নখ।
এমন দঃসময়ে ভুলে যাও সরল কেমলতা
এখন বলোনা প্রিয়তমা, প্রেমের কথা।

কাহ্নো নদীরে তুমি

কাহ্নো নদীরে তুমি প্রেম নাহি পাবে;
সোনালী সুরদুজ আজ ওঠে নাই ভোরে
এখনো ব্যাধার পাখ উঠোনেই ঘোরে
কাহ্নো তাহারে তুমি হাতে নাহি পাবে।

চকিতে হবেনা দ্যাখা জনমের তীরে ;
আঁধারের পেখমে নেই সৌদনের প্রীতি
মুছে যাক তাপখে শতক স্মৃতি।
হবেনাকো আসা আর এহখানে ফিরে
চকিতে হবেনা দ্যাখা জনমের তীরে।

কাহ্নো তাহারে তুমি হাতে নাহি পাবে;
আমনি ভোরের উষা ওপোবন সুরে
ফিরেগ্যাছে গানের পাখ দহন দুখে
কাহ্নো নদীরে তুমি প্রেম নাহি পাবে।

কোন দিকে যাবো আর

তোমার মন্থের খোঁজে কোন দিকে যাবো আর বলো !
মরুভূমির উত্তপ্ত বালু বেয়ে তন্নতন্ন করে খুঁজেছি তোমাকে
তোমাকে খুঁজেছি সাত সমুদ্রের অঁথে তলদেশে
মাড়িয়ে হিম শীতল বরফ
দাঁড়িয়ে সন্ডুচ্চ পর্বত চ'ড়ায়—

নৈঋত ঈশান থেকেও ফিরে এলো ব্যর্থ দুটি চোখ
তোমার মন্থের খোঁজে কোন দিকে যাবো আর বলো !

'খাইবার-গিরিপথে' পাহারায় ছিল যারা তারাও এসেছে ফিরে
গ্রহে গ্রহে খুঁজে খুঁজে হয়রান বার্তাবাহক বাতাসেরা
নরোম ঘাসের মন্থে ক্রান্তির ঘাম জমে জমে
আহা বিবর্ণ হয়েছে কেমন দেখ, ভাল করে
চেষ্টে দেখো যেখানেই থাকোনা কেন
তোমার মন্থের খোঁজে কোন দিকে যাবো আর বলো !

দিতে কি পারোনা তুলে প্রেমিকের বন্ধকে এক মন্থো সন্খ !

ক্ষুধার্ত কুমির

আমার হৃদয় সমুদ্রে একটি ক্ষুধার কুমির
হিঙ্ হিঙ্ শব্দ অনবরত ছুটেছে শিকারের পিছনে
শিকারের হাড়িড মাংস কলজে
খুবলে খাবার জন্যে আমার ক্ষুধার কুমির
ছুটেছে আমরণ—
সাত সমুদ্র তের নদী এবং সাত মহাদেশ।

আমার মাথার খুলিতে একটি গলিত লাভার বসবাস
একটি আগ্নেয়গিরির অমৃত চিবুকে চুমো দেয়
আমার দ্ব'ঠেঁটি
গভীর তৃষ্ণায় তুলে নেয় আমার দ্ব'হাত
ধাতব আগ্নেয়গিরি
পা দুটো কুচকাওয়াজ করে ভাসায় নেশায়
দ্ব'চোখে ঝরে কেবল শ্রাবস্তীর মতো
ভস্মের বারদ
প্রতিটি নিঃশ্বাসেই নিগ'ত হয়
যুদ্ধ!! যুদ্ধ!! যুদ্ধ!!!

আমার অস্তিত্বের সত্ত্বাধিকারী ক্ষুধার কুমির
ভয়ংকর যুদ্ধনেশার এক ক্ষীণত জীব
সে যুদ্ধ চায়, মাংস চায়, কলজে এবং
বিশাল এক রক্ত সাগর
বদলা নিতে চায়—
হাজার শতাব্দীর রক্ত পিপাসা, শব ভক্ষণকারী
তাবৎ পাপিষ্ঠ সীমারের।

বিক্ষুব্ধ বৈশাখ

একটা বৃক্ষে কতটুকু আগুন থাকতে পারে—
আমার জানা ছিলনা
কতটুকু উত্তপ্ত ছিল একটা জীবন—
জানা ছিলনা
কতটুকু ঝড়ে নয়ে পড়ে গাছ-পালা, শস্যক্ষেত—
জানা ছিলনা
কতটা ভূ'কাঁপের প্রয়েজন অপাংস্তেয়
পৃথিবীটা নাড়াতে
কছম।
জানা ছিল না।

গেল ঋতুতে নিঃপ্রাণ আকাশ ছিল দাঁড়িয়ে
তারার চোখ থেকে খ'সে প'ড়েনি ফুলকী আগুন
জোছনার ম'খে ছিল না হলাহল
বাতাস ছিল না এতটুকু শীতল
গাছে গাছে পাখি ছিল না
বনে বনে ফুল ছিল না
সমতল আকাশের মেঘ ছিল গ'ন্ম্
সে-গ'ন্ম'রুগ'জ'নে নেমে এলো আজ সিংহ শাবক বৈশাখ।

জীবনের বৃক্ষ হ'তে পাতা ঝরলে
কতটুকু জীবনী থাকে—আমার জানা ছিল না
বিজলীর দেহ উলঙ্গ হ'লে
চোখে তার পানি আসে কিনা—জানা ছিল না
পাথরের গায়ে পানি পশে কিনা—জানা ছিলনা
সে সবই বোঝাতে এলো এক চণ্ডল দূরন্ত বৈশাখ।

আমি বৃক্সতাম না—
একজন মান'ষ—একজন যোদ্ধা
একটা জীবন—একটা যুদ্ধ
একটা পৃথিবী—একটা রণক্ষেত্র

এবং শাস্ত ঋতুতে আমেনা যুদ্ধের নিপুণতা;
আমাকে বোঝাতে এলো তাই, ক্রুর
উন্মত্ত এক বৈশাখ।

এক মন্থে বারুদ ঘষলে কতটুকু আগুন ফুঁসে ওঠে,
কতটা জ্বালাতে পারে অজৈব পাপ
জানা ছিল না

স্নোতের কতটা বেগ হলে ধ্বংসে পড়ে
অনাচারের ভীত—জানা ছিলনা

কয়টা রাক্ষস হজম করে লক্ষ মানুষের খুন—
জানা ছিল না

শুধু দেখেছি আকাশের নীচে দাঁড়িয়ে আছে
যান্ত্রিক মানুষ,
পায়ের নীচে ঘাস, কেঁচো, উঁই' বেঙের ছাতা এবং
অসংখ্য মাংসাষী বৃক্ষ।

আমি কোনদিন মরুভূমি দেখিনি
মরুদ্যান, পাহাড়, উট ভেড়া এবং মেঘের পাল
আমি দেখিনি তেপান্তরের ঝলসানো বাবলা,
সারি সারি আঙুরের বাগ
আমি দেখিনি—গাধার পিঠে সওয়ারী বেদুঈন,
যাযাবর, তাবু, খোরমামুখে জীবন্ত সৈনিক
এবং পাথর খোদাই শহীদের কবর,
সে সবই দেখতে এলো আজ
হেরার বৈশাখ।

নিখুঁত আয়নার স্বচ্ছ আকাশ দেখলাম,
পৃথিবী, মাটি এবং মানুষ,
নিজকে দেখলাম—দানব হস্তা
'বোধের' দেহে পেলাম উষ্ণ রক্ত, বলিষ্ঠবাহু
এবং যুদ্ধের সরঞ্জাম
বিজয়ের ইচ্ছেরা আছে—লোমকূপ এবং শিরায়
আমি এখন আর শাস্ত ঋতু চাইনে,
আবৃণ চাইনে

ফুল, ফুলের বন
কোকিলের স্বর,
বিড়ালের নরম দেহ
প্রশংসা পূজারী বন্ধু, প্রিয় এবং প্রিয়তমা,
আমি চাই—

নদীতে হাঙ্গর এবং প্লাবণ
মাটিতে খন্দক, বদর, তাবুক কিংবা কারবালা
ধূলিতে রক্তের হালুয়া
আকাশে মেঘদূত এবং
বঞ্জামুখী এক দুর্ধর্ষ কালবৈশাখ।

একটা কালজয়ী ষড়্ধবাজ বৈশাখ চাই
যার নতুন দুর্বার পদচারণায় বয়ে যাবে এক
দিগন্তদুর্ধারী পথ
কোন এক ঝড়ো রাতে আমি হেঁটে চলবো
এবং গভীর বিশ্বাসে পেঁছে যাবো
কালো কফিনে ঢাকা বন্ধুর সিংথেন ছুঁয়ে
বিজয়ের তর্কিত।

বিশ্বাসের জরিন জায়নামাজ

আমার চারপাশে দেয়াল। সন্ডুচ্চ প্রাচীর।
সূর্যালো আসার মতো এতটুকু জায়গা নেই
খালি, ফোঁকড়, ফাঁসা। কতদিন দেখিনি
তরঙ্গিত আলোর মুখ। দেয়ালের চার পাশে
সতর্ক প্রহরী। লোলমুপ দৃষ্টি, যাদের জিহবায় ঝরে
নেড়ি কুকুরের মতো লালসার রস। অপেক্ষায়
তারা ক্ষুধাত বাঘের মতো। স্বজনহারা
বন্ধুহারা পড়ে আছি দেয়ালের ভেতর।

পৃথিবীতে কখনো কোন সূর্য উঠেছিলো কিনা,
অজানা অচেনাই রয়ে গেল অতলান্ত সাগরের মতো
অভ্রভেদি পাহাড়ের মতো।

আমিতো অপেক্ষায়

আমি ছিলাম হৃদয় আগমনের আগে শূন্যে

আবো আরেক প্রলয়ংকরী সিংগার ফুক। কখন

শূন্যে পাবো পৃথিবীর সন্ডুচ্চ মিনার থেকে

জীবন প্রবাহ বিলালী অজান?

সে অজান হিন্দুকুশ থেকে ছড়িয়ে পড়বে সারাটা পৃথিবী

তখন সবগুলা প্রাচীর ভেদ করে আমার

কান পেঁছাবে ভাস্করের লোলিত সর।

আমিও তখন, ঠিক তখনই সটান নুইয়ে দেব

তাকে

বিশ্বাসের প্রস্তুত জরিন জায়নামাজে।

লাশ

মাংসহীন শরীর দেখে আঁতুকে ওঠে খোদার আরশ
অভিশাপ ছিটিয়ে
ওই যায় ক্ষুধাতের অগণিত লাশ,
সুবঠিন মাটির মুখে বেদনার ছাপ, বাথতার শরম
অথচ, শকুনেরা খোঁজে লাশের ভেতর মউজের লাস।

পৃথিবীতো জনাকীর্ণ নয়, ধু-ধু মাঠ, মানুষের সাড়া নেই
মুম্বু' সময় কুলে দাঁড়িয়ে আছি পাথর, আরুদ্ধ্বাসে—
'হায়, মানুষের আসনে এ কার শংকিতমুখ ভাসে
এ কোন্ শয়তান বিজয়ের গান গায় হিংস্র বিশ্বাসে ?'

শয়তান নিমূ'ল হোক
ধবসে যাক রাজ্যপাট-শোষণের ঘণ্য ইতিহাস,
ওই যায় ওই যায়
অভিশাপ ছিটিয়ে ওই যায় ক্ষুধাতের অগণিত লাশ।

আশ্চর্য্য এক স্বপ্নের মতন

মনে হয়

মানুষের জীবন আশ্চর্য্য এক স্বপ্নের মতন

মনে হয়

ধুমল নয়, যেন সে বেদনার বরফ,

গলে গলে নদী হয় চোখে, চোখের বহুতায়

তরুণের ভেসে যায়

অনংগ-অতলে

সময়ের খোলামেলা

খামে,

উড়ন্ত পাখীর মত উদগ্র

মনে হয় ভাটার দাপট কলকন্ঠ জোয়ার

মনে হয়

আশ্চর্য্য এক স্বপ্নের মতন

মানুষের জীবন।

ঝড়

প্রলম্বিত ঝড়ই জীবনের সুন্দর মানে হতে পারে
ঝড়ই পূর্ণাঙ্গ জীবনের শাস্তির প্রতীক

পৃথিবীর সবগুলো মানচিত্রই এখন শীর্ণনদী
সে সব নদী এখন প্রতিদিনের তাতানো রণক্ষেত্র
আর মানুষের জীবনের চেয়ে যুদ্ধের প্রতি
ঝড় বেশী লোভাতুর

ঝড় এবং মানচিত্র
জীবন এবং যুদ্ধ
না, ভিন্ন কোন অর্থ নেই বিশ্ব অভিধানে
শতাব্দীর ইতিহাসে

ঝড় মানে যদিও কাল বৈশাখী
লন্ড-ভন্ড
ভাংচুর
ধবংস এবং ধবংস
তবুও এখন ঝড়ই জীবনের সুন্দর উপমা

আর তাই ঝড় আসুক
বার বার
ঝড় আসুক,
পৃথিবীর আগামী বংশধরদের জন্যেও
কল্যাণময়ী ক্ষুধিত এই ঝড়

এইরাত—দীর্ঘরাত

এই রাত দীর্ঘ রাত
কালো আঁধারের স্নদীর্ঘ রাত
নক্ষত্র বিলাসী আমি
অথচ, নক্ষত্রহীন আকাশ দেখেই কেটে গেছে
দ্বিশটি বসন্ত

এই সময় বড় বেশী মরুময়
এই ঘর, পথ, জনপদ
বড় বেশী নির্জন
প্রেম বিলাসী আমি
অথচ, ধূসর বালুভূমে হে'টেই চলেছি
প্রেম হীন, একাকী

এই মানুষ, কামনার মানুষ
বড় বেশী চতুর বড় বেশী হিসেবী
অথচ, কেমন বেহিসেবীর মতো
তাদেরকে ভালোবেসে
দুঃখের নামতাই বৃদ্ধি করেছি কেবল
জীবনের ধারাপাতে

এই সময় বড় বেশী মরুময়
এই জীবন বড় বেশী শোকাতুর
এবং এই রাত-কামনার রাত
আহা, কত দীর্ঘ
কালো আঁধারের স্নদীর্ঘ রাত

নিমক

পরবাসে

কি ভাবে কেটে যায় দিন জানানো তুমি ;
স্নাকুলতায় ভাবি-তুমি আছ পাশে আমারে

'সাগর সাগর'- বলে ডাক দিই স্বপ্নের মাঝে
তুলে রাখি স্মৃতিগুলো ধরে ধরে
কাঙ্ক্ষের বিবরণে
ব্যাকরণে
শব্দ খুঁজি তোমার উপমা, তোমার নামের
অঞ্চল দূরে আছ, ভুলে আছ তুমি
কত সহজ আভাসে
আর আমি অবোধ তোমাকে খুঁজেই হয়রান
অনার্থক অকারণে ।

এইতো এখন

শস্য দানা ফুলের কুঁড়ি বিমর্ষ বিবাদ
বিস্বাদ খাদ্য খাবার বস্তু পানের
শীত গ্রীষ্ম শরৎ বসন্ত কেবলই দঃসহ
তুমিতো জানানো
জানতেও চাওনি-কিভাবে ঝরে যায়
বাদল বিয়হ
তুমি জানো না—
বেমন রাখোনা তুমি বৃক্কের খামে
আমার নাম ধাম খবর কুশল ।

ধাক্কা তবে আর নয়

মুছে দাঁও যদি থাকে স্মৃতির বিগ্ধ তিলক
বলো, তুমি বলো
কি হবে নিজে আর এই হাতের তুচ্ছ নিমক ?

চোখ

ব্রশ্টার দেয়া এ চোখে আমি
অন্ধকারের কালো পর্দা ছিঁড়ে দেখি
শাস্ত্রত সত্য, ভাসমান মেঘ, দূর্ধর্ষ ঝড়
এবং দূর্বার বন্যা।

আমার চোখে ভেসে ওঠে
নীলনদ আড়ষ্ট হয়ে ফেরাউনের পরাজয়
বালু এবং পাথরের উঁচু নীচু পথ মাড়ানো
সংগ্রামী কাফেলা।

অন্ধকার ঘনিভূত হলেই
চোখ আমার প্রজ্বল হয়ে ওঠে বাঘের মত
'হামধার' টগবগে রক্তে 'নাইট্রিক এসিড' মিশ্রণে
জ্বলে ওঠে দাউ দাউ করে হাবিগ্না দোষখের মত।
যে রশ্মিতে ঝলসে যায় অবাঞ্চিত কালো মূখ,
পাপিষ্ঠ কোটিমূখ।

দীর্ঘ হোক প্রভাত

গভীর গভীরে থাক প্রেমালোপন
ভাসা ভাসা স্নেহ নয় ; মিনতি এখন
শাদুল অন্তর হোক আমূল প্রসাধন
এমনই উপমা হোক কবির লেখন ।

অনাহুত কাকের ডাক অদুল দুল'চর
অশনির ডাহুক ডাকে হৃদয় প্রান্তর
চাক্ষুষ দ্রষ্টা আমি, আরুঙ্কস্বর
প্রতিকূলে দাঁড়িয়ে আছি অধিয়ার তেপান্তর।

প্রভাত দীর্ঘ হোক অবসানে নিশির এখন
ঘেসেড়া আত্মা পেয়ে যাক স্নেহের আশ্বাদন
গভীর গভীরে থাক প্রেমালোপন
এমনই উপমা হোক কবির লেখন ।

ଧବଳ ଜୋଛନାର ପ୍ରାର୍ଥନା

ତୋମାର ଶବ୍ଦତାର ବିତାନେ ପ୍ରତିଦିନ ହେ'ଟେ ହେ'ଟେ ବିଦାୟ କରି
ଅଗଣିତ ପ୍ରତିକାର ବସନ୍ତ
ଛନ୍ଦେ ପାରିନେ ତବ୍ଦ ତୋମାକେ ; କୀ ଯେନ ଏକ ବେଦନାର ଅନନ୍ତ
ଦାବା ଦହେ ପନ୍ଦେ ପନ୍ଦେ ଧାକ ହି। ଭଗ୍ନ କରି,
ଭଗ୍ନ ହୟ ତାପଦ୍ଧକ ଶବ୍ଦକ ମଡ଼ମଡ଼େ ବାସ୍ତବ ଅହର

ତୋମାର ଭାଲୋବାସାୟ ଆମି ଦାରୁଣ ପିପାସା କାତର
ସାରାଟା ହ୍ରଦୟ ଜୁଡ଼େ ବିରହେର ଦଗଦଗେ କ୍ଷତ
ସ୍ନେହ ଜ୍ଵଳେ ବିନ୍ଦୁ ବିନ୍ଦୁ ଚୋଖେର ପାଟାତନେ, ଇଲଶେଗଂଘୁଡ଼ିର ମତ
ନେଚେ ନେଚେ ଖେଳା କରେ ତରତାଜା ଅଧ୍ରୁ କାଞ୍ଜଳ

'କରୁଣାର କବଜ' ହାତେ ତୁମି ବସେ ଆଛ କତ ଦୁରେ ?
ଜ୍ଵାଣ୍ଟ ଅଧିକାର ସଂଘାତ ନିୟେ ଏକ ପ୍ରେମିକ ପାଗଳ
ନାଠିଡ଼ିୟେ ଆଛେ ଦ୍ୟାଧୋ 'ସୋନାଲୀ ହରଫେର' ସୁରେ—
ତୁମି କତ ଦୁରେ, ଆର କତ ଦୁରେ ?

ପ୍ରତିକ୍ଷୟ ପ୍ରହର କାଟେ, ପିପାସାୟ କଂକିୟେ ଓଠେ ବିରହୀ ମନ
ଶବ୍ଦ ତୋମାକେ ପେତେ ଚାହି—
ଶବ୍ଦ ତୋମାରହି ଭାଲୋବାସା ଚାହି—
ଅଧାର ନିର୍ବାସନେ ଧବଳ ଜୋଛନା ଚାହି—କାମନା ପ୍ରତିକ୍ଷଣ ।

এই তো আমি

এই তো আমি—

সবদ্বয় উপস্থিতির আসনে বসেও
ধরতে পারিনি তোমার চিবুক।
আর কঁত ঋজু হতে বলো।
আর কতটা নত হলে ছুঁতে পারি
লাম্য বিন্দুক।

এই তো আমি—

হৃদয় শাটের বোতাম খুলে
দাঁড়িয়ে আছি।
দ্যাখ দ্যাখ বেদনার পায়রা
কি ভাবে খুঁটে খায় বিবাদ হীরক!

এই তো আমি—

শব্দের জঙ্গী বিমানে তোমার মুখোমুখি।
সৈনিক কবিতারা মূহ্য এখন,
কি করে বিজয়ী হব জীবন মহড়ার!

এই তো আমি—

এই তো তুমি—
অথচ মাঝখানে যোজন ব্যবধান।
রয়ে রয়ে গজের ওঠে
বিরহ বারুদের ধূম শিখা।

জানি—আমি জানি

সৈনিক জীবনের সবচে' কলংক
চোখের পানি
তবু কেন ঝরে যার
তবু কেন বয়ে যার
বিদায় মোসুমে বহমান ভূষায় নদী।

সংঘাত

পৃথিবীর বন্ধুকে আগুনের হাত
মানবতায় বোমার বিস্ফোরন
জাতীয়তার গোয়ালে বাস করে ভন্ড
দিকে দিকে তাই দেখা দেয় সংঘাত।

চেয়ে র'বো অলক্ষ্যে প্রাস্তর

কবে একদিন এইখানে এই লেকের ধারে
একটি নক্ষত্র দেখে ভুল করে বলেছিলাম
পদুণি'মার চাঁদ
ফিরে আসা প্রতিধ্বনিতে মিশ্রিত ছিল এক
উদগ্র শাসানী, বিরাগ বাড়ীর মতো আজ শব্দধ
ধির ধিরে ভেসে ওঠে মোহন দর্শনে।

আর কোন দিন ডাকবোনা এই লেকের ধারে,
কোনখানে সোমস্ত চাঁদ
ভাববোনা—এইখানে ছিল একদিন উন্মনা হৃদয়,
কাজল চোখ থেকে ঝরে পড়া পশলা বৃষ্টিতে
ভিজ্জে ভিজ্জে খেলেছিল হলদে উল্লাসে দু'টি গাঙিচল।

আমিও ভুলে যাবো উদ্ভুস্ত পাখির মতো দুব'ল কান্না
বেদনার ভাষা
হৃদয় গছীনে আর দেবোনা ঠাই তুষার ঢেউ
সারা রাত ডেকে ডেকে জলজ ডাহুক
ফিরে যাক অবশেষে ছিটাতে ছিটাতে দোষণীর ঘূণা।

আমি তবু খুঁজে খুঁজে নিবু'ম অরণ্য নিবাস
কিংবা ছায়াপড়া ঋজুপথে এলিয়ে দু'টি পা
অবাক বিস্ময়ে চেয়ে র'বো অলক্ষ্যে প্রাস্তর
নীরসিম আকাশ, ঝর্ণির জলে ভেজা খুব কাছাকাছি,
খুব মাথা মাখি দু'টি শালিকের পানে।

ইদানিং আমি

ধাতব চোখ থেকে বেরিয়ে আসা
কী এক ভয়াল দৃষ্টির ভেতর
কেবলই তলিয়ে যাচ্ছি
হালকা জলের শরীরে যেমন তলিয়ে যায়
দৈনিকের মত দৃঢ় কঠিন ভারী পাথর।
একজন নভচারীর গ্রহানুপূর্বে ঢোকার মত ব্যাকুলতা
নাটকের কম্পাসের মতো সুঠাম বোধ
বাস্পারীত হাওয়ার ক্রমশঃই স্থিরমান
ক্রমাগত স্তানভর ফ্রেন এরিয়েলের মতো।
পরাজীত সৈনিক পালের
নৈশবিদক উত্থান পতনের মতো।
ইদানিং আমি—

খরস্রোতা জীবনের তলহীন চোরাবালিতে
হারিয়ে যাচ্ছি—ক্রমেই হারিয়ে যাচ্ছি
সখ্যতার সম্দীপে মরুচারীর মতো হাঁটছে দুর্জন
মৃত্তিকার পঞ্জর কাঁপিয়ে পাশবিক কেশর দুর্লিয়ে
আর আমি যেন তাদের সেই ধাতব চোখ থেকে
বেরিয়ে আসা কী এক ভয়াল দৃষ্টির ভেতর
কেবলই তলিয়ে যাচ্ছি
পুর্লিয়ে যাচ্ছি লবনের মতো
কেউই তুলছে না আমাকে কিংবা
পারছেন না ফিরিয়ে দিতে
সাহস এবং বিশ্বাসের নেকলেস।

নির্বাসন চাই

মানবতার সব ক'টি দরজা ঘুরেছি আমি
সবখানেই পাহারায় রত
কুখাত কুকুরের মতো ভয়াল হাঙ্গান
ওদের লালসায় রসে সিক্ত আমার শব্দ
আমার সমস্ত
এবং আমি
মর্ন্ত পেষতে চাই, প্রভু
আমাকে মর্ন্ত দাও
প্রবেশ নিষিদ্ধ, ঘরে প্রবেশের অধিকার দাও
তা না হলে নির্বাসন দাও আমাকে
নির্বাসন চাই
হারামজাদা লোকালয় থেকে!

অনাগত

দিনগুলো হয়তোবা দুর্বি'সহ ঝাতনার, বিষালী
কোটরাগত চোখে ভাসে অনিশ্চয়
দলেওঠা অনাগত
দেখা যায় হাতের দাঁতের মতো জ্বাল সময়
কোন্ ভরসায় বাঁধি বলে বাসা?

হাওয়ার প্রাচীর টপকে চলে সাঁঝের পাখী
প্রতিক্রিয়া টানে তার খড়কুটোর নীড়ে
পাখিও প্রশমিত করে শ্রান্ত ব্যথা—মনের ক্ষত
জানি, হয়তো সেখানেও রয়েছে ওর ঐশ্বৰ্য্যের সূখী

ঘাস পাতা গুল্ম নেইতো আয়ত্রে আমার
বাঁশের মতো ঘূনি খাওয়া পড়ে আছি
অনাহৃত অবচীন
আমারতো নেই নীড়, নেই ঘর
উপশমের নরোম কুটির।

সমরতো ধাবমান, অথচ আমিই কেবল
ধরে আছি ঘণকালো রাতে পাজির
দেখাতে পারোঁকি অনুপমা
প্রেমের সেই সেই সাহস ?

যুদ্ধে গেলাম

চলেই গেলাম যুদ্ধে গেলাম
চলেই গেলাম সংগে নিলাম
হলুদ রঙের অনেক ছাঁবি
ছবির ভেতর দঃখ খোঁড়া কান্না গাথা শব্দাবলী
চলেই গেলাম সংগে নিলাম মনের খামে
বলতে চেয়েও হয়নি বলা এমন যত কথার মালা

চলে গেলাম যুদ্ধে গেলাম
সময় করে দেখবো ঠিকই সুরঞ্জি রাখা বিষয় আশয়
তিস্ত চোখে ঝরতো কেমন তরল গরল ঘণ্টার খুঁতু
কাছের মানুস কাপসা আহা । তবু কেমন দূরে ছিলাম

যর্ষা আসুক শরৎ আসুক বলবো না আর কোন কিছই
'চলেই গেলাম যুদ্ধে গেলাম এই কথাটি মনে রেখ
মনে রেখে খবর নিও
কেমন আছি কোথায় আছি, দিবিয়া মাথার'

যুদ্ধে গেলাম ভালই হলো থাকনা বুদ্ধে অনেক জুড়ালী
বলতে চেয়েও হয়নি বলা এমন যত কথার কুসুম
চলেই গেলাম সংগে নিলাম রঙিন খামে
সময় করে দেখবো সেসব রাখবো মনে কথা দিলাম
চলেই গেলাম যুদ্ধে গেলাম
যুদ্ধে গেলাম
যুদ্ধে গেলাম

ভাঙ্গন

কোথাও যেন ভাঙছে কিছুর
ভাঙছে আকাশ ভাঙছে পাহাড়
মড়মড়িয়ে ভাঙছে গাছ
ভাঙার খেলা চলছে শূন্য
কন বনিয়ে ভাঙে যেমন
হুঁড়ি কাঁচের গ্লাস

ঘর ভাঙে যেন ভাঙছে
ভাঙছে বন, আশার টিবি
ভাঙতে ভাঙতে যাচ্ছে শূন্য
মাটির পাত্র, জলের ঘড়া
যেমন ভাঙে পথের পরে
শূন্য পেটে নারী-পুরুষ
ইট পাথরের মস্ত কাড়ি

ভাঙার খেলা দেখে দেখে
আমার হাতও ভাঙতে চায়
ভাঙতে চায় লৌহ কারা
হাতের শেকল পায়ের বোড়ি
ভাঙার নেশায় ঘুম আসেনা—
ঘুম আসেনা ভাঙার নেশায়
মাতাল রাজার সৌখিন চেয়ার
জন্ম দেশের উল্টো আইন
অন্ধ ঘরের বন্ধ দুয়ার।

স্বপ্নের রেশমী পালকে

স্বপ্নের রেশমী পালকে ভাসে যে মৃৎ
চোখ মেলে পাইনা তা হৃৎয়ের কাছে
শব্দহীন নূরে পড়ে ভারাক্রান্ত বৃক
ভাবি,
এই ব্যথার চেয়ে ঢের ব্যথা আছে।

পাখিরা বোঝে যদি কবিতার অমল ভাষা
ফুলের রেণু থেকে খুঁটে নেয় সুরভী মলয়
সোনালী চাঁদের চিবুক ছোঁয়না উন্মত্ত হেত্রযা
অথচ সেই মৃৎ রচে যায় উপেক্ষার বলয়
ভুল করে তবু তাকে ধরতে চাই হৃৎয়ের জালে
ব্যর্থ হই, ভাবি—
এই ব্যথার চেয়ে ঢের ব্যথা আছে।

রাগিরা আসে যায় ক্রান্ত এই শীর্ণ জীবনে
দ্রাঘিমায় পড়ে ছায়া, বাড়ে বিষাদের ঘনত্ব
আশাহত হইনা তখনো
এমনি শতবার—
দু'হাতে ধরতে চাই যে মৃৎ হৃৎয়ের কাছে
ব্যর্থ হই, ভাবি—
এই ব্যথার চেয়ে ঢের ব্যথা আছে।

নিজগৃহে পরবাসী

চিরকাল হিম হৃদেইতো আমাদের শৈশব
কেটেছে স্বপ্নিল চাদরে ষোথ এখানে। তবু এখন
একটি নক্ষত্র ছিল হবার মতো আমারই গোরব

ধূলার ঝড়। এ যেন এক শাস্ত্র লেখন
লিখেছে প্রাজ্ঞ পুরুষ কোনো কালে। অমরত্ব খোঁজে
ব্যাপ্ত আছি আমি পাথরদেশে তবুও অনক্ষণ।

ক্ষান্তহীন কপোতাক্ষ যদিবা একা, সেও নিঃসঙ্গ
তবু স্রোতের সুরধ্বনি আর যাত্রীরা বোধে
চিরায়ত ভালো লাগা এ নদীটি আমাদেরই অঙ্গ।

অথচ আমি কি পরাজিত এক রুদ্ধ জোয়ান
সময়ের রুঢ়তায় কোনোদিন পেলাম না বৈভব
এতটুকু প্রমিত, অমৃত [কিংবা সাগর লোবান]

নিজ গৃহে আছি, পরবাসী যেন এখানে আশৈশব।
বেদনার ষত গান সবই কেবল আমারই সঙ্গীত,
এখানকার মানুষ, ভাষা আর তাবৎ কলরব—

ও সবই আমার যেন দুরত্বের প্রকৃষ্ট ইঙ্গিত।

অথচ আমি কি পরাজিত এক বৃদ্ধ জোয়ান
সময়ের বুড়তায় কোনোদিন পেলাম না বৈভব
এতটুকু প্রমিতি, অমৃত কিংবা সাগর লোবান ।

নিজ গৃহে আছি, পরবাসী যেন এখানে আশৈশব ।

বেদনার যত গান সবই কেবল আমারই সংগীত,
এখানকার মানুষ, ভাষা আর তাবৎ কলরব—

ও সবই আমার যেন দূরত্বে প্রকৃষ্ট ইঙ্গিত !

